



Inatsisartunut ilaasortaq,
Michael Rosing
-/MAANI

§ 37 naapertorlugu apeqquteqaammut nr. 24-mut akissut

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit. Apeqqutit uanga suliassaqarfigisannit akineqar-tussanngorlugit innersuunneqarput.

1. Ilumoorpa Kalaallit Nunaanni umiarsuup ingerlarnanut qara-saasiakkut nalunaarsuiffik soqannginnera taamaassimappat taava sulissutigineqarnerluni taamaattumik systemimik peqalernissaq?

2. Ilumoorpat nammineerluni umiarsuup ingerlarnanut nalunaarsuif-fimmik sanasoqarsimasoq; taava suna pissutaava tamatuma toq-qarneqarsimaneranut systemimik pioreersumik pisinermut taar-siullugu?

Apeqqutinnut 1-imut 2-mullu tunngatillugu akissut:

Naatsorsuutigineqarpoq kalaallit aalisariutaat ikittuinnaat qarasaasiakkut umiarsuit allattaaviinut ilanngunneqassasut, aaqqissuussamilli pilersitsi-niameq annertuumik aningaasartuuteqarfiuvoq. Nunat tamat akornanni akuerisaavoq qarasaasiakkut umiarsuit allattaavii nunat allat imartaanni aalisarnermi ukiualunnguit qaangiuppata atomeqalissasut. Aamma naat-sorsuutigineqarpoq qarasaasiakkut umiarsuit allattaavii paasissutissanik suliaqarnermi naammassiuminarsaassasoq pitsaassusaanillu qaffatsitsis-sasoq aamma aalisariutini nakkutilliisoqarfimmilu, Kalaallit Nunaanni Aalisarsinnaanermut Akuersissutinik Nakkutilliisoqarfimmi, (KANUAANA-mi) sulianik ingerlatsinermik oqilisaataassalluni. Taamaattumik Aalisar-nermut Piniamermullu Naalakkersuisoqarfiup aamma KANUAANA'p Kalaallit Nunaanni qarasaasiakkut umiarsuit allattaavii atulersinniarlugu sulipput.

Nunatsinni inatsisinut tulluarsaanissaq siunertaralugu 2009-mi decem-baarimi qarasaasiakkut umiarsuit allattaaviinik KANUAANA pisivoq. KANUAANA nunatsinni aalisariutit angisuut arallit suleqatigalugit qara-saasiakkut umiarsuit allattaaviisa tunngaviumik atuuffii misilerarpaat tassungalu atatillugu misilittakkat pingaarutillit pissarsiaralugit aamma

26-01-2017
Sags nr. 2017-2123
Dok. nr. 4403273

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanaq.gl
www.naalakkersuisut.gl

aalisariutit pissutsit atugaat malillugit aqqissuussaq atorneqarsinnaasoq qulakkeerlugu.

Qarasaasiakkut umiarsuit allattaaviinik aqqissuussap pisiarinerata kingorna nunat tamat akomanni aalisarnej pillugu paasissutissanik paarlaaqatigiinnermi assigiissaarinermik pilersitsiniarnej ajoraluartumik unittoorpoq, tamatumani nunat maligassiuusut isumaqatigiissinnaannginnerat pequtaatinneqarluni. Taamaattumik Nunatsinni qarasaasiakkut umiarsuit allattaaviinik piviusunngortitsiniarnera utaqqimaarneqarpoq nunatsinni inatsisiliornermut nunallu tamat akomanni assigiissaarinermut nalimmassaaniarnermi aningaasartuutit amerlavallaarneri peqqutigalugu nunarput siuttutut inissinnissaminut naapertuilluartuunngitsutut nalillerneqarpoq.

Atlantikup Avannaani nunat arlallit qarasaasiakkut umiarsuit allattaaviinik atulersitsereerput, kisianni aqqissuussat nunat namminneq inatsisiliorneri aallaavigalugit pilersinneqarput. Periaatsip kinguneraa nunat akomanni paarlaaqatigiinnissaq naammattumik eqqarsaatigineqarsimanngimmat. Nunat akomanni paasissutissanik paarlaaqatigiinniarneg assut ajornartorsiutaavoq inatsisitigut teknikkigullu, aamma nunat tamat akomanni assigiissaarinermik pilersitsiniarluni suliaqarnej unittoqqasimalluni.

Inatsisitigut teknikkikkullu ajornartorsiutit pilermata iluarsiviginiarneri naatsorsuutigisamit sivisunerujussuupput EU-milu, Atlantikup Avannaani ataatsimoorussamik isumaqatigiissusiorniarnermi pingaarutilittut inissimasumi, aqqissuussamik sulinermi tunngaviusumik allannguisoqarneranik kinguneqarluni.

Qarasaasiakkut umiarsuit allattaavii pillugit ukiuni arlalinni sulinerup kingorna 2016-imi aprilimi Naalagaaffiit Peqatigiit iluanni aalisarnermut paasissutissanik paarlaasseqatigiinnermut tunngatillugu assigiissaarinermik pilersitsisoqarpoq. Ataatsimut malittarisassanik atuutilersitsinissaq siunertaralugu assigiissaarnej taanna maannakkut Atlantikup Avannaata kangiani Aalisarnermut Ataatsimiititaliarsuup (NEAFC-ip) qarasaasiakkut umiarsuit allattaaviinik assigiissaarinissamik ineriartortitsinermut killiliifittut aalajangigaavoq. Naatsorsuutigineqarpoq NEAFC-imi malittarisassat aalangerneqarpata illugiilluni isumaqatigiissutit assigiissaarinerup assinga aallaavigalugu ajornanngitsumik ingerlanneqarsinnaalissasut.

Paasissutissanik paarlaaqatigiinnissamut iluarsiiisutit maanna ima ingerlanneqareertigipput nalunaarut nutaaq teknikkikkullu iluarsiiisut 2017-imi ukiup affaani siullermi piareersinnaallutik ukiup sinnerani aalisariutinut ikkussuussinerup ingerlanneqarnissaa siunertaralugu.

Matuma kingorna naatsorsuutigineqarpoq illugiilluni isumaqatiginniniarnerit ingerlanneqarsinnaassasut piffissaq sivikitsup ingerlanerani, tamatumani aaqqissuussap pisiarineraniit pitsaaqutaalersussatut naatsorsuutigineqareersimasut piviusunngorsinnaanngortinneqassapput.

Pitsaaqutaalersussatut naatsorsuutigisat qanoq annertutiginissaannut Kalaallit Nunaanni aalisariutit qanoq angitigisut qarasaasiakkut umiarsuup allattaaviinik peqassanersut naalakkersuinikkut aalajangiinissamut aamma Atlantikup Avannaani nunat allat qanoq sukkatigisumik assigiissaarineq nutaaq malillugu iluarsiiisuteqarnissaannut apeqqutaapput. Nunani allani qarasaasiakkut umiarsuup allattaaviinik piviusunngortitsinerni misilittakkat takutippaat umiarsuit nalunaarutaannik e-mail aqqu-tigalugu sulinermi umiarsuillu allattaaviinik qarasaasiamut ikkussuinermi nakkutilliisoqarfimmi sulisutigut isumalluutit annikillingaatsiartartut, aappaatigulli aaqqissuussamik aserfallatsaaliuinermit aamma aalisariutini qarasaasiakkut umiarsuup allattaaviinik atuisunut ilitsersuutiniq nalim-massaajuarnermut pisariaqartitsineq annertusisartuq. Taamaattoq ataatsimut isigalugu naatsorsuutigineqarpoq piffissamik eqquineq pitsaasuserlu annertusingaatsiarnissaat piffissami siusinnerusumi tunngavimmik eqquunnerusumik takutitsissasoq aningaasartuutillu ikileriarlutik.

3. Umiarsuup ingerlarnanut nalunaarsuiffimmut ulloq manna tikillugu aningaasat qassit ator-neqarnikuuppat aamma inaarnissaanut aningaasat qassit suli ator-neqarnissaat naatsorsuutigineqarpa?

3-mut tunngatillugu akissut:

Aaqqissuussaq pissarsiarineqarami 1.538.000 kr.-inik akeqarpoq ukiu-mullu ikiortinnermut aserfallatsaaliuiner-mullu pissarsiarinerata nalingata sisamararterutaanik nalilikkamik annertussusilimmik isumaqatigiis-suteqarluni. Saniatigut nunatsinni inatsisiliornermut nalimmassaanermut, attavinnut ikkutsinneranut, qarasaasiakkut paasisutissanik katersuivim-mut pioreersumut peqataalersinneranut, suleqatinik ilinniartitaaneq il.il. tamaat ataatsikkut akiligassaq 450.000 kr.-ilik KANUAANA´p pisiarivai. 2017-imi akinut malinnaasitsineq ilanngullugu akuersissummut akiliut 432.000 kr.-iuvoq, tassunga ilaapput inuttat nalunaarsorsimaffiannik aserfallatsaaliuineq aamma immikkut attaveqatigiinnermut assigiis-saakkat marluk (Norge aamma EU) aqquissuussamut ilanngunneqareertut katillugit 306.000 kr.-inik naleqartut. Nunat tamat akornanni attave-qatigiinnermut assigiis-saakkat atuutilersinneqarpata piviusunngortin-neqarlutillu naatsorsuutigineqarpoq kingulleq pineqartoq annikillissasoq.

KANUAANA´p qarasaasiakkut umiarsuit allattaavii misileraannarlugu ingerlannikuuvaa taamaattumillu ikiortinnermut killilimmik atuisoqarluni,

taava qarasaasiakkut pilersuisup aaqqissuussaq nunatsinni inatsi-
liornermut aamma nunat tamat akornanni assigiissaarinermit piumasa-
qaatinut nalimmassassavaa ikiortinnermut akiliutit atorluameqanngitsut
atorlugit. Taamaattumik naatsorsuutigineqarpoq suliniutip naammassi-
niameqarneranut annertunerusumik aningaasartuuteqartoqassanngitsoq.

Oqaatigineqartariaqarpoq Nunatsinni qarasaasiakkut umiarsuit allattaa-
viinik ineriartortitsinermit suliniut sektorpolitikkimut, EU-mik suleqati-
giinnissamik isumaqatigiissut malillugu EU'p Kalaallit Nunaanni ineriartor-
titsinermit suliniutinut akiliissutaanut ilaammat.

Inussiarnersumik inuulluaqqusillunga


Hans Enoksen